

百
柱
堂
全
集

百柱堂全集卷四

癸巳甲午乙未

監利王柏心子壽著

送熊比部還京

二首

復作含香侍重爲攬轡豪客心
丹闕夢華省白雲曹劍珮星
辰接衣冠日月高極知題柱美
天語久親褒

畿輔猶獨貸西南尙荷戈艱難
清間切宵旰帝憂多寬
法銷災祲祥刑召樂和
西曹行入對補救定如何

明遠樓看雨簡子重

殘日隱高閣輕靄栖連甍院寂
眾鳥散庭虛羣山明微雨江
上來颯然滿高城雜木襲餘潤
當空流華磬白雲卷巾帶冉冉

冉翔仙靈須臾飄風會霖霖遂以盈重陰霽萬象杳然還虛
冥撫景翫變化散慮忘屏營將與沈寂士委懷安吾生
陸迦陵判官返自滇南

雄文堪騁碧雞篇攬轡遙凌驛路煙黔塞自通秦郡縣滇城
猶見漢山川巒雲春擁干盤道瘴雨秋低六詔天萬里壯遊
原不負歸來何異客槎旋

王魯之大令至自山左偕孝長季舉諸子讌集漢陽僧寺
黃鵠舉千仞還過江上樓鳴聲慕疇匹引吭何綢繆相期踐
幽勝桂樹同淹留臨波泛羽爵張燈羅瓊羞慨然念往詰作
有蘭臺遊高文迭酬唱炳煥如琳瑯西風度江水吹落山中

秋明月出楚關下照滄波流杳如峨眉雪溟濛天際浮當筵
感離析後會徒滄洲永言崇令德良士無時休

答孝長舟次見寄

二首

解帶尊方盡登艫語尙聞風波一相失津路渺然分復枉西
陵唱遙緘北渚雲布帆幸安穩吾已狎鷗羣

川瀆迷經緯淪胥厯歲年人皆望疏鑿帝豈惜糴錢沈馬
功難恃鳴鼙窟未遷無由獻三策直達玉雲邊

贈魯之卽送其還蜀

三首

寂寥揚馬後夫子繼詞雄奏賦屬車下鳴琴滄海東元風希
廣漠大道入眞空下士徒推測安知用不窮

飛雲下日觀遙度楚城來江漢千年勝酣歌一代才客星通
象緯仙氣擁樓臺睥睨梁園會風流實壯哉

未盡尊前酒君胡擊楫勞天寒催雨雪日暮急風濤峽轉黃
陵峻灘連白帝高如逢南嚮鴈能不憶同袍

詠史

鈞弋椒宮啟昭儀桂殿深花明羣翟服珠綴鳳簪貴寵殊
難量妍華亦易沈班姬陳古義辭輦悟君心

送瑋公子重歸

寒雨大江東離亭滿朔風帆歸沔水闊客散楚臺空已識生
涯薄休嗟吾道窮蒼生未蘇息何以慰哀鴻

孫貞女詩

當湖有貞女抗義無與倫結褵未及往寡鵠乃先驚哀此冰
霰酷丁茲芳華辰便欲奉尊章下慰彼幽靈父母強臂之截
髮因自明涕泣不果赴積疴以沈淪入夜夢夫子要踐同穴
盟寤乃告父母畢命於清晨兩家共相啟會葬當湖濱墓木
拱連理上有鴛鴦鳴行人用紵息聞者爲屏營義娥叶恆運
丑緯無錯行生民慕貞毅金石安足論矧茲匹儷重人紀肇
其經名義不可數豈必侍櫛巾之死矢靡慝重泉志迺申
嗷然百世下風軌揚淑清我歌告彤史俾彼彝倫信
送蔣秋舫大令之黃州兼簡邵蓮溪太守

我登鄂城樓送君下黃州雲連樊口千山出江接潯陽九派
流東望滄波一醺酒赤烏霸氣今何有英雄暮烈委浮雲詞
賦風流滿人口州得賢守邦人和郡齋坐隴清風多安石雅
好致孫許康樂頗復招羊何君行高會樂園席杖屐攝衣爲
上客汀上蘭橈未得同悵望烟波黯將夕

送九香北上

曜靈赴急景長江日滔滔悲風從北來千里揚飛濤遊鶻運
遠海黃鵠摩穹霄噓噓澤中鴈裊裊鳴其曹離居在俯仰執
手臨江皋斗酒未及終懸旌以搖搖陰雲興四野瞻望何迢
遙行人遊上京飛纓參時髦倦客滯滄洲被褐獨行謫豈無

意氣侶慷慨非同袍歧路眷矚匹惻愴令心勞

舟中本事詩爲清涼生賦二首

珠珮酬交甫蘭橈載莫愁衣香生薄暮鈿翠映清流笑倚臨
江楫狂拋貰酒裘壯夫聊作達攬鬢復何憂

桃葉歌原媚瓊花骨自清心憐惟有淚眉語更無聲磨竭生
多累春鷺不盡情角張何用怨一笑酒波傾

送廖子喬歸嶺南四首

浮雲起高天萬里去不息飄風中斷之奄忽各南北之子歸
炎洲離思浩無極送送臨高臺執手興楚惻願言酌尊酒起
慰遠行客

自子適楚旬歲華再以周良辰展婉嬖嘉會爲千秋歡娛固
未數何言有離憂離憂在山海念子長悠悠義娥東西運江
漢日夕流我心與之俱循環何時休

孟冬寒氣厲行子方遵塗曰歸及歲暮道里亦何紆舟行歷
風濤陸行陟崎嶇慎子餐與息厚子衣與襦昔人賦行役北
山嗟馳驅何況顛頓士皓首爲征夫安得凌風羽送子以微
軀

伊予慕馨亮寥寥希古心欣言邁之子蘭石締以深在閭閻
貞則處眾羞浮湛丈夫耿清尚叱別何霑襟志節苟不昧在
遠良所欽去去各努力視彼芳桂林

送孝旃歸江陵 四首

客心先落葉日夕避驚風
悵此一尊酒分爲兩地蓬
雲遊憐別鵠水宿怨羈鴻
賓屐今寥落能無憶孔融

予美矜奇服良辰缺蹇修
瑤臺城女閨靈瑣處如愁
椒桂零叢薄芙蓉怨素秋
芳華有遲暮非子獨淹留

君歸故園裏佳興足裘裏
白雪當歌度梅花繞屋開
綠珠朝擁髻碧玉夜行杯
獨有嬋娟意能消飢餓才

乾坤惟倦客俯仰有孤吟
歲晏風霜苦愁來日月沈
棄繻終未遂被褐固難任
坐觀中宵鬢誰知烈士心

贈姚庚甫大令

名家詞賦有枚舉
早歲翩翩得鳳毛
一自風塵辭墨綬
便從關塞擁青袍
秦川春敞黃圖麗
仙掌秋凌白帝高
萬里歸來還對酒
浮名眞笑世間勞

龍文匣底氣銷磨
慷慨相逢一放歌
作賦莫嗟梁苑少
悲秋終屬楚人多
時名偃蹇甘蓬戶
身世滄浪付釣簑
絲管當筵君莫去
竟須倚醉向青蛾

湖樓歌席作 二首

湖上最宜歌奉君
金巨羅若無長夜飲
奈此百年何
北里新翻曲
東隣巧畫蛾
良宵如不醉
爲子惜蹉跎

我有清商調泠泠
世未知因君淥水曲
寄與回風吹渭子
未

云妙韓娥詎是悲願逢賞音者綵鳳鳴相隨

送庚甫大令歸白下 二首

白髮行吟倦青尊客路遙天空夏口月風送秣陵潮高會驚
離析清言悵寂寥經過攜手地樓影獨蕭蕭

梅福歸栖隱梁鴻老著書道窺千載上山愛六朝餘椒桂堪
充佩蓬蒿欲蔽廬瓊枝儻相憶歲晚一華予

贈陳孔常 二首

楚江有威鳳乃自丹山陞得氣稟靈族棲止必瓊枝一朝遇
廣莫振采遊紫微黃鵠走相送不得銜羽隨慶雲翼雙闕日
月光昭回九天奏英威靈鳥皆來儀鳳往巢阿閣黃鵠將安

歸

與子締繾綣金石未云堅
離居在遠道悵望何漫漫
子奮青雲上余處滄江邊
飛沈固云判志軌安可遷
耀華豈不易矜尚良獨難
外榮積見瘁內闕終逾宣
願子勵明德令名永無愆
親愛誼不薄申言著茲篇

送俞鴻甫參軍入都

冉冉楚江春離心寄白蘋
鶯花虛令節楊柳怨征人
夢遠懸南國雲高護北辰
遙知羣彥集多在鳳城闕

謂孝長雲椒
于蕃諸子

十載空懷抱羣流任品題
好憑騏驥足更擇鳳鸞栖
良璞終含耀神鋒舊截泥
遠猷行自愛歧路易云悽

麻姑詞 二首

爛醉瑤臺阿母家
層城開徧碧桃花
歸來誤拂尊中酒
散作蓬山萬丈霞

芝華深鎖洞門閒
新自朝眞紫府還
天樂三終聽未畢
鳳簫猶在五雲間

百柱堂全集卷四終

百柱堂全集卷五

乙未丙申

監利王柏心子壽著

遠遊

儀鳳翩千仞神龍蟠九淵
瞻霄遜遐舉踴壑慚蠅蟻
進退兩未就感激空儒冠
元化運日月飛光如流泉
攬鬢念壯齒安得無推遷
慨焉涉遠道冀以蕩憂端
誰能坐鬱鬱終老環堵間

雞鳴謁高堂遠行將及期
兩親語遊子夙夜敬相持
立身靡通塞令名無或虧
再拜奉訓言中心慙且悲
媿無尺寸祿以報三春暉
奈何望白雲復此晨昏違
達卽驅馬返窮當速言

歸

骨肉共五人連枝何綢繆臨當欲離析敷言仍淹畱詩人賦
小宛明發無時休頻年苦潦旱迫此饑饉憂力耕且不瞻捨
耒將何求皇靈佑貞信延康道有由君子務儲德淑慎終無
尤

南山有兩鳥自名鸞與鳳結巢旣逾紀眾鵲亦成行竹實歲
不飽奮翮起分張君行効負米妾畱事高堂大義共黽勉私
愛割中腸去去勿返顧善保風與霜羲娥異驅次牛女限河
梁光景有時接無爲多感傷

沙洋舟次別伯子

仰視明河落迴瞻逝水東可憐萬里別只在一宵中惆悵連
枝萼分飛轉地蓬如何西上驛獨對北來鴻

石城曲

莫愁湖上住歡亦解漣畱肯學蔣三妹青溪夜夜愁
不見燕雙栖唯聞鳥夜嘯可憐繫艇子月落石城西
陽春臺同孝長

臺下數千客誰人解和歌仍憐後來者日暮奏陽阿風起蘭
臺迥雲荒夢澤多相看鯢與鳳落落落奈愁何

金紹踏雪圖爲蔣生核宮詹題

九門沈沈曉鐘動雞鳴催徹蓬山夢玉堂學士趨早朝不須

鳳馬升龍招憶從廷對瞻 先皇少日才名滿建章五色祥
雲占太史十年彤管待明光 今上重光隆拔擢從容進講
邇英閣儒臣禮數本優崇更聞啟沃 皇心樂石渠之職兼
史官歲時奉帙趨金鑾保直恒簪青鏤管分行特領紫宸班
鳩鵲宮寒夜飛雪琪花晃漾銅龍闕外間望作神仙人聯翩
下步瑤臺月此時冠佩盡朝正侍從先陪宴鎬榮拜賜宮壺
分雨露邀頒御翰仰星辰學士由來稱內相況公三世僚無
曠已看臺省躡通華海內還推公輔望文章遭遇古無倫揚
馬詞華安足諭致君堯舜在今日拭目衡茅大有人

過明獻陵

松杉玉殿俯峻嶒駕六飛龍自此興三極風雲環御宿五朝
霜露肅山陵濮園持議經生過代邸隆基大業承複道豐碑
無恙在茫茫銀海閤魚鉞

南陽道中送別孝長

百川逝不息二曜相回環丈夫各有務經世苦不閒甯生起
扣角主父行入關小節慕時用栖栖弗遑安何況天下士竹
帛猶未宣通材邁嘉會躑躅非高賢無爲憚永路總轡多所
歎

子行赴京國余亦適隴表相將宛葉間執手淚盈抱三五正
縱橫明月何皎皎揮手各登車去若風中旒北軫瞻已紆西

嚮望旒杳依依夢寐間相失萬里道靜言思關山離居令人
老秉節矢靡訾亮能崇永好

十二月望夜豫州郭西對月

季冬涉長道遵彼堵陽西望舒淹已滿窈窕含餘姿褻裒步
林樾鑒此沙上輝朏魄有恒度行役無定期年往詎所戚身
微良足悲載詠北山什涕下誰能揮征鴻暮何來翩翾向南
飛焉得假羽翼從之滄江湄

昆陽

虎豹如林一戰摧君王意氣自雄哉洗兵風雨從天下破陣
雷霆動地來大業總憑黃鉞定中興重覩赤符開一家馬上

論功烈優劣難分二祖才

襄城早發

茫茫七聖後勞轍更何之
夜色迷襄野雲陰隱具茨遊
秦空汗漫赴隴更倭遲
俛仰臨歧路能無阮籍悲

郊縣城樓

歲暮行登郊縣樓西來風物迥
堪愁塵沙十日初開眼無數
青山對汝州

韓城

驅馬宜陽西詰屈山谷間
伊闕亘相望熊耳何巒岼
韓氏昔都此崎嶇未遑安
獨扼關中吭害居山東先
川原何迫隘輔

車難獨完帶甲不敢戰割地先自殘人謀既不臧積弱勢則然我來重太息日暮悲風寒穀水橫空來歎雪迴奔湍猶想報秦者感激摧心肝

望留侯墓

一擊雖不中祖龍魄已褫秦鹿走中原豪傑乃何起真人沛中來假手雪國恥不樂帝者師去之若脫屣魄兮歸故鄉千年猶戀此偉哉龍變人英魄固不死焉用託神僊更慕赤松子

嘲韓公子

五蠹書成擬用秦獄中空自犯龍鱗忍看宗國爲降虜敢

翻來異姓人

楊志詩

道中車僮作

毋曰堂奧中有太行毋曰康衢實維羊腸
毋爾車堅爾軸或折於爾馬良爾驥忽蹶
不鑒爾前誰救爾後不戒爾馳終喪爾
守循牆懼侮褻裳恐濡詰人就兢無敢
戲渝敬之敬之職恐其倦僕夫效駕是
用爲諫

車遙遙

車遙遙驅雙輪入秦更度隴涉冬復歷
春朝日未出起膏沐日入兩驂尙服輓
日行出入有常家嗟爾車輪何時息

白日冥飄風興道上揚黃塵黃塵蔽天隱車轍飄風北來吹
車音君行自愛車轍遠不聞車音妾腸斷

不麻

括羽驚急弦客憂迢遙夜客憂亦何爲輪轍不遑暇去家日
以遠朱顏日以謝田園未能耕珪組無由藉潛虬終飛騰淮
禽自變化邈焉睇穹霄天路安可借太息通雞鳴僕夫起嚴
駕去去望白雲潛然涕泗下

宜陽

崤阪方聞捷乘輿遂出征天臨元武仗雷動羽林兵盜賊知
歸命君王洽好生千年熊耳下積甲想縱橫

宜陽以西達硤石皆重山深谷有怵心目

三日行谷中方軌不得騁岓岓紛來千縈紆迭相引憑軾虞
前峰結駟愕後嶺始出如騰霄復下忽墜井土氣閭陰森天
光射幽迴壑虛迴長風林疏表陽景磨眠崖雪深馬齧澗冰
冷行子憂摧輪僕夫戒折軫嗟我獨何爲惴惴蹈茲境媿無
叱馭威但有垂堂警日暮始解鞍秉燭復就寢夢魂惕回惶
提擾未能屏

峭陵

積石疑無路盤空別有梯地分三晉險天入二陵低宿霧盤
鵬影崩沙沒馬蹏封尸餘慟在陰雨至今悽

百本堂全集 卷五
靈寶道中登高望秦晉諸山

六
狹谷數百里中闊不盈丈我馬元以黃虺隤始能上攬衣陟
崇岡直掃白雲障嵯峨三晉山橫天亘北向黃流遶華來一
氣就奔放秦嶺何蒼然連峰鬱相望蟠作帝王州神泉勢彌
壯對此發浩歌不覺心神王嗤彼牖中窺安得睹昭曠

潼關

嚴關拔地敞飛樓表裏峻函控上游雲氣西來浮華嶽河聲
北下撼蒲州開門尙恨哥舒戰破敵猶傳魏武謀幸際時清
唯在德鳴笳何用宿貔貅

望華嶽

三峰標金天厥初誰削出顙氣通太虛蕩空爲一色萬古青
蓮花長風吹更碧黃河龍門來一線地中坼奔流不敢前蜿
蜒遶其北巍然白帝旒壯矣巨靈跡崇睇未能周濛汜倏焉
夕

詰朝謁嶽廟肅肅瞻靈奇登閣縱遐覲雲臺了可窺蒼龍若
矯首天半揚鱗鬣明星有玉女隱約雲中輝積雪照白日倒
射羲輪迴松際掛瀑布散作銀河飛紛吾墮塵網未得窮攀
躋玉漿不我假毛女安可期

王景略墓

五馬渡江左金鏡光以淪夫子綜王霸欲起濟生民不逢高

光主風雲終查冥元子睨晉鼎豈足容豪英幸遇婆樓薦龍
盤從此伸一匡婉仲父三顧追葛生丈夫遇知己感激忘其
身境內旣大治一舉強燕平哲人若不殞豈唯關輔甯中道
邇殂喪誰爲拯生靈我來拜墟隴望古欽駿聲何代無奇傑
落落栖風塵用之康六合棄則鴻毛輕蒼昊不可斂攝衣聊
歸枿

過華州

路指西京浩蕩遊陰陰榆柳送行輶渭渠環碧連馮翊嶽色
浮青過華州倦客途遙空冉冉征鴻歲晚故悠悠停驂爲拜
汾陽里異代英靈或可求

殺太尉墓

有唐值中葉猘獠穴涇原段公際板蕩心欲康國屯倉卒倒
屠印不使駭鯨奔潛謀殛巨猾厥志未及伸逆賊肆狂狡滔
天遂稱尊堂堂天子吏安肯爲賊臣奮笏碎其首慷慨甘殞
身公昔起武吏姁姁不能言一旦遇禍變激烈氣乃振大勇
固若怯疇能窺其源高談詡節義事主徒逡巡松阡鬱道左
凜凜英風存申章獎人紀芬烈揚千春

蜀上

興王赤幟定西戎按轡還軍府庫封海內風塵先得鹿望中
雲氣盡成龍三章約法垂寬大五緯聯光效景從力戰經營

終有斃徒勞項氏起爭鋒

鴻門

仁者原無敵誰能殺沛公
雌雄天早定翼蔽爾何功
虎視兵戈裏龍騰網罟中
謀臣空有策撞斗恨無窮

長安古意

千里金城帝業開當年虎
親仗雄才驪山地接阿房
起營室天連閣道迴使者
鎬池貽璧返降王軹道擁
車來咸陽三月宮中火遺
劫誰聞後世哀

東井垂光五緯同真人駕
入未央宮威儀竟出儒生
手壯麗猶煩相國功一代
詩書開馬上四方豪傑實
關中奉春建策

留侯演赫矣炎基奕代隆

武帝宮中洩露盤金莖遙出鳳城端
僞人虛企蜚廉館方士長祠太乙壇
雲散旌旗天馬沒秋高風雨石鯨寒
建章曾侈黃圖麗萬戶千門何處看

富平公子共經過行樂唯聞主第歌
長信秋霜侵砌滿昭陽夜火徹明多
鳳來新曲還相答燕啄皇孫可奈何
他日伶元傳秘史最憐擁髻泣宮娥

應運飛龍起晉陽唐宗勛邁漢高皇
金戈撥亂宸樞建玉曆承天寶命昌
神武親臨遼海外單于伏謁渭橋旁
淩煙終古丹青在將相俱攀日月光

縹緲南山五色雲，曲江宮殿接氤氲。
夾城春簇雷霆仗，駐輦天臨龍武軍。
玉笛遙從牆外度，霓裳親向月中聞。
如何萬乘倉皇日，獨聽鈴聲雨淚紛。

秦中早春

紫陌千戶散黃圉，入水連春歸秦內。
史雪隱漢延年，攬鬢風塵換驚心。
節候遙雄文，猶可獻吾欲奏甘泉。

關中感宋武事

宋武信人傑，揮戈未解鞍。
能擒數天子，終棄古長安。
愛子草間活，雄師境外殘。
空吟仲宣句，回首淚沈瀾。

詠史

自昔三秦路游談輻輳同范睢來翼闕蔡澤起山東伏軾皆
才哲分珪必駿雄誰令蘇季子裘敝對寒風

慈恩寺塔

崢嶸飛閣壯凭闌三輔風煙此鬱盤雪散晴光搖太乙天迴
春色入長安芙蓉苑渺秦川迴花萼樓空渭水寒漫倚城南
誇尺五不知來向此中看

薦福寺

唐襄城主第後改爲寺

昔日天孫宅還爲帝釋家臺空丹鳳管經演白牛車廢塔沈
珠影荒階悶雨花祇園猶變滅況乃住恒沙

崇仁寺

唐元奘還自天竺繙經于此

誰啟金人夢紛紛梵夾傳微言馳化域中土闢禪天鹿苑雲
霄接龍宮日月懸堪嗟韓吏部一簣障積川

渡渭水

獻歲理征策朝發長安西日暮渡渭水客心愴以悲還顧渺
鄉國前瞻窮邊陲惘惘涉長道嗟我獨何爲流沙寄伯陽隴
坻栖叔皮昔賢不適意曠聞隨所之勁翮企遐舉逸足思高
馳豈不樂安處齷齪良見嗤去去廣莫野將與鴻濛期

咸陽

秦皇昔按劍欲駕百王才未畢驪山役俄生軹道災通天惟
烈炬遺劫只殘灰渭水日東去雄圖安在哉

度大峪

陟嶺三十里馬力未得息蕩蕩捫漆城縈紆上無極不知前
峰來轉訝飛雲立憑虛造其巔徐乃悟所歷顛墜時復虞眩
轉殆非一巨壑嵒然開窈冥太陰黑蛟蚪蟠深沈雲霧變滅
沒須臾朝陽升皎皎照巖雪刻鏤如龍鱗飛光射林末大哉
元化功靈幻安可測逶迤復下阪若華淹已夕耽奇遂忘疲
忡惕忽如失

浮馬大峪澗

峭壁盡五色爛若朝霞簇玉龍天上來掉尾裂山腹倒挂銀
河流餘勢不可束僕夫理征綏驅車行獨漉馬蹶蹴層冰飛
火怒相觸而我愛清流思一洗塵俗飲此惜未能天寒不可
掬

題邠州石佛

渾沌眉誰畫莊嚴像更誇泉飛帶瓊瑤雲起幻蓮花面壁空
諸障觀河悟散沙茫茫趨六道肯爲眾生嗟

石阪歎

阪在長武之東

五步一解駟十步一輟輓嗟哉石阪一何峻絕上有飛猱不

到之巖阿下有奔流百折之涇河性命咫尺不可測一蹶將
奈蛟龍何連山盤盤高入天地勢隔越秦涼間造化能生險
與阻不能杜絕車馬無往還徒令過者愁裊裊產此窮劣胡
爲哉昔之王子贛憑崖叱馭英風動相如馳尺書西南開道
成坦途丈夫不宦復不使跼蹐何由快心意安得拔此擲出
大荒西永令八埏之內無險巇

涇州

曙色照崖阿鵲觚攬轡過高雲懸隴坂亂石束涇河地已殊
羌俗人猶習塞歌不逢倒屣者空有著書多

平涼

漢家舊重朝那地百戰羌戎壘已殘始幸清時間斥堠無勞
戍火報平安春歸涇水浮冰下天倚崆峒積雪寒去去慚非
投筆吏蕭關獨對馬頭看

登六盤山作歌

卽隴山又名笄頭又名崆峒

今之瓦亭古蕭關隴山叢錯高插天迤北直趨朔方郡漢唐
師出由其間迤南六盤勢尤雄卓然踞地朝羣峰俯窺金城
扼天水矯若八翼排長風當時問道軒轅迴秦皇漢武誇雄
才六飛登山並騁望昔之旌旗安在哉連峰積雪照天白鳥
飛蕩蕩不敢越秦川東望空茫然但聞隴頭流水聲鳴咽使

人對此腸斷絕有元之世南道通從此逕達河湟中國朝因
之遂不改懸軍萬里收青海爾來防邊諸健兒馳驅峻阪如
坦夷邊郡轉餉歲不絕名王貢入時有之傳車絡繹悉經此
嵯峨長作西藩籬書生有筆徒縱橫抵掌未勒燕然銘願假
崆峒一片石上爲國家頌威德傳之三十六屬國率爾梯航
萬世無終極

晉嵐山

嶺洞窺無極飄飄躡太虛谷圍天入壑嶺遶日回車矯首千
盤外驚心九折餘不知列禦寇臨此更何如

定遠道中

磴道眇秋毫千峰詰曲遭馬頭邊月近鵬背塞雲高陶穴民
風苦力耕穡事勞良家推六郡無復舊雄豪

秋登隴右威遠樓

羣山繞郭勢巖巖朱拱浮空擢麗譙列郡東連三輔近雄邊
西控五涼遙天低古戍環亭障雲湧危闌盪斗杓便覺九閭
眞咫尺將憑六翩鼓扶搖

萬里登樓夕照開凭軒一望氣悲哉隴山風急蒼鷹嘯渭水
秋高白雁來破入羌笳多出塞長歌楚客自生哀君看射虎
英雄老何必封侯定將才

得韓玉符明府書卻寄兼憶孝長瑋公季舉稚楓諸子

近得河池宰殷情問索居雙鳬雲外烏一鴈隴頭書騷國椒
蘭合鄉山薜荔疏因君吟九辨秋興轉愁予

疇昔南臺彥風流共炳靈故人何偃蹇萬里更飄零駿市空
憐影龍文尙貫星君知郢中曲白雪幾人聽

隴右中秋夕聽雨

秋氣蒼茫罷倚闌中宵楚客思無端一天風雨邊聲合萬里
關山隴道寒驚鷓鴣暗愁羌笛怨征鴻遙度塞雲殘悲來唱徹
刀頭曲入夢終愁路渺漫

羈緒

觸緒逢搖落羈懷未可論邊霜侵地早塞雨入秋繁野色迷

蘇道雲陰暗，維門蓬科。吾與汝漂轉，共離根。

悠悠清渭水，渺渺赤亭山。落日明駝下，高天鷺集還。俗雄推出將，塞近扼當關。射虎人安在，思隨匹馬間。

羌俗由來異，殊方只自嗟。山田秋縱牧，戍堞暮多啼。淚逐秦時月，愁飄塞上花。慚非張博望，萬里獨乘槎。

班椽名空起，潘生鬢欲推。但看羣鴈去，不見一書來。桂樹山中老，蘼蘭澤畔開。白雲向南國，延望獨裴裛。

藁砧

藁砧行不返，時鏡暗無光。未識夢中路，焉知隴阪長。人皆重儒匹，妾獨怨參商。蛺蝶雙飛去，南園草又黃。

送李生歸黔陽

十年經萬里長嘯返鄉園落日過羌郡高秋入劍門題橋人不見問字宅空存笑指牂柯近還連江水源

久客不如歸晨昏未可違此生唯至性所重是春暉余亦出家者白雲心更依感君能潔養不覺涕霑衣

談經人又去寥落感吾徒風雨吟懷迴關山客夢孤忘名爲至道希俗豈通儒善養丹霄翮文章久自殊

時興詩

金天厲嚴氣玉律鳴素商陰雲蔽萬里中夜生繁霜大化入羣斂萬物歸堅強山澤有龍虎相與韜文章高深貴潛匿

化終騰驤晚實薦馨列貞木蟠穹蒼亮懷金石性外物安能
傷君子重休飾瞿瞿毋太康竭膏匪遠耀衍玉乖深藏奈何
夸毗子噉噉矜容光柔桑信沃若實落愁我腸

九月七日雪

雨雪乘秋至關河已凜然陰陽更化速草木練寒光弄影隨
砧下流光拂檻鮮防秋有將士愁挽角弓弦

中林

不侍朔風鳴蕭蕭日夜驚鳥栖皆露影鹿過有餘聲物性矜
妍媚天心別脆貞南山桂之樹吾與爾同盟
月夜聞鴈和子喬

隴鴈起南翔。噤噤夜未央。九秋驚雨雪。萬里下瀟湘。美爾能
高舉。嗟子獨望鄉。五溪兵氣阻。七澤暮雲長。骨肉分秦越。
子客桂林江湖乏稻粱。帛書常不達。珠柱亦徒張。有客歌雙
子客隴右鵠。思歸夢五羊。因聲聊和汝。掩抑不成章。

九日偕諸君出郭登山

縹緲來凌千仞岡。高秋一望斷人腸。山寒雪壓秦城白。日落
天連渭水黃。獨有清筇消令節。可堪濁酒醉他鄉。簪萸此會
憐兄弟。回首應嗟隴道長。

九日憶諸弟

迢迢秦越憶。弟復憐兄各。罷重陽酒。同含萬里情。風前鴻

雁影原上鵲鵲聲欲作登高望悽其淚暗傾

寄伯子桂林

西南相望各天涯萬里飄零感棟華越微秋深寒桂樹秦中
霜早落蒹葭飢來骨肉心輕別道阻兵戈客夢家隴首題書
愁不盡暮天遙送雁行斜

渭上有作

羲和運短景萬化逝不止瞻彼清渭流日夜無窮已滔滔下
秦川東望渺千里橫潦悉已收兩岸不盈咫物壯則近老道
伏還相倚火中暑乃退晦盡魄斯朏不有息者機盛長曷云
特卽此悶盈虛悠然契名理

送員八歸華陽

蓮花不可掇予欲隨蒼龍子去雲臺下門臨太華峰飛泉搖
石月晴雪挂崖松爲我拂幽磴將期跨鹿從

百柱堂全集卷五終

百柱堂全集卷六 丁酉戊戌己亥

監利王柏心子壽著

發隴右畱別子方太守

客如經天宿歲盡回其躔自我適隴表寒暑一以遷明發望
白雲攬轡遂言旋豈不眷翕羽晨昏誰爲歡所愧荷光惠未
報心惓惓故人酌斗酒良會嗟渺漫翔鵬摩紫氛栖鳳歸蒼
山文采遠相耀萬里猶聯翩丈夫耿志尙磊落天地間出處
各不昧山海何足歎

隴水吟寄子方子僑

夢澤東瞻迥河梁西望愁客心如隴水分作兩行流

蕭關

蕭關望不極西北此爲門戍古嚴三輔邊春入五原路通秦
上郡塞指漢河源側想武皇日鳴鑾萬壑喧

醴泉南郭謁唐文皇祠

有石刻小影

翠華仙仗杳玉座暗塵封石躍昭陵馬雲歸晉水龍發揚垂
武烈瞻就想堯容寂寂嗟原廟祠官祭孰供

咸陽雨望

微雨輕塵淨津亭遠樹蒼曉雲低渭水春色赴咸陽
原壯沈沈漢時荒遙瞻東轡翼獨與客心長

歸次長安

回車下隴坂，隔歲度秦京。
心逐南飛翼，天回北斗城。
上春三輔麗，斜日八川明。
畱滯非吾土，登臨繫客情。

望終南

秀色黃圖擁，遙峰紫閣臨。
春浮千嶂黛，暝積一城陰。
將託雲霞往，不知巖壑深。
裴裒忘欲返，昏鳥已棲林。

新豐

使者傳宣詔，立催鷺間徒。
步躡中台悠悠，但醉新豐市。
自有君王解愛才。

下邳謁寇忠愍祠

最惜澶淵役倉皇縱敵歸不成孤注策何用六軍威和議非公意憺人誤國機金縉成故事早兆靖康幾

樓臺猶少地鎖鑰未論功一斤台衡後長悲嶺海中故鄉餘俎豆遺廟半蒿蓬欲指豐碑問無人識憫忠

嶽祠登萬壽閣

集靈原是漢祠壇遙捧金天司寇寇石月倒懸仙掌出玉漿高鴻帝觴寒黃吞河渭雙流失青走荆梁一氣蟠不待天門通箭枯蓮花飛向座中看

大風登潼關東樓望黃河

關潼一望俯峒嶽陝服東西入望遙河下三門趨廣武山開

二華壓中條清時鼓角聲俱寂春色郊原雪盡消坐歎乘繡
仍落落歸無駟馬壯題橋

曉出潼關

客聽鳴雞度途驚束馬過城高凌紫氣日出照黃河暗谷通
穀隘遙山入晉多終生此乘傳慷慨意如何

過湖城

曾探元鑰向崆峒再拜真言順下風九鼎無難輕脫屣勞勞
安事首山銅

終始兵間四十載君王猶未悔干戈哀哀思子宮前淚不及
輪臺一詔多

函谷

雄關高倚萬峰開
百二東臨實壯哉
耕戰勢吞冠帶國
河山
天助霸王才
星隨傳舍雞聲落
雲逐真人龍氣來
千載秦亡誰更惜
逡巡六國有餘哀

戲題澗水中石

石心不可轉
乃學波濤舞東溟
有沃焦笑爾非砥柱

澗池

蘭生千載上凜凜
何英烈伊昔會澗池
攘袂仗膽決蔑視
虎狼秦進缶氣已折
當時魯仲連亦奮卻
秦舌吾觀戰國士
二子信雄傑與爲蹈
東海未若濺頸血
生也廷叱之大勇更
殊

絕顧視廉將軍怒蛙乃據穴

新安行

二十萬軍作降虜一夜盡化冢中土降將三人獨不死秦人
痛之入骨髓嗟乎秦人汝安知長平鬼哭當怨誰旣莫大于
殺已降古來蹈此皆天亡楚人屠秦楚亦斃子弟無復生還
鄉君不見入關三章父老喜長者西來作天子

洛下

圖書開帝錄風雨會天中二室橫雲峻山川劃地雄興亡時
自速賓主賦徒工莫更尋西苑繁華逝水同

三市矜通軌千門麗上京誰知蒼鳥兆還聽杜鵑聲魏紫畱

奇卉伽藍記舊名寥寥伊洛會無復夜聞笙

洛陽道

昔日洛陽道黃塵蔽九衢博徒邀劇孟步障門齊奴市羨羊
車俊臣誇馬癖殊太冲何不達抱影守繩樞

入雒感賦

入雒栖栖者文章紫鳳騫不逢張壯武誰賞陸平原英俊多
如此羈遊未可論空令五噫士落退出關門

望北邙

勸君莫作北邙哀將相公侯安在哉獨有蒼茫數行淚山川
不見賈生才

洛陽別唐生汝立

嵩雒一揮手從茲南北遙黃塵滿天地吹暗河陽橋驛路花
光動年芳草色饒豈無白玉盃未酌已魂銷

毛羽出丹穴繇來天下奇抗音必阿閣之子是長離毋以九
苞盛而隨眾鳥移願言慎翔步高舉以爲期

經龍門渡伊水

龍門石所積噴沔何壯哉不知造化力萬古誰鑿開雷霆門
地底浩浩伊川來石怒勢未止水折爲倒迴漸車偶一過尙
畏雙輪摧是時曉霞散下映波灤酒日華麗沙汭爛然文錦
堆鳬鷺唼且泳徹底無纖埃飛泉瀉紅瀑亂落如玫瑰卻顧

兩崖上並湧青蓮臺緬昔李唐日扈從多良才摘詞一何綺
遺碣生莓苔嗟我未登陟立馬空裊裊豈無採天藻誰勒蒼
山隈昔人竟已矣來者復何哀

汝州郊外遇雨

休驂臨汝郭暮聞田鳩嘯微雨一以至森然眾綠齊春煙暖
平陸不辨東與西但覺野泉響瀾瀾鳴中畦一冬暝無雪高
田坵如龜昨者苦春旱農人懸耕犁入夜幸霖霖秀麥含華
滋來牟遂有託行子何嗟咨泥塗縱云苦猶愈室家飢稽首
祝億渥自愧無豚蹄至仁豈責報所荷皇天慈

郊縣道中

冉冉歲華改不知行役遙惠風送餘善散我心鬱陶始見圃
中杏復欣川上桃微雨夜來過青陽發土膏秀麥旣剡剡農
耜咸相邀人生各有役趨彼晝與宵愚者展四體以答天地
勞媿我一匹士何爲長遊遨逝將自茲返倣載耕東皋

抵漢江

隱隱銅鞮路風煙繞漢津帆懸三楚月纓濯兩京塵芳草汀
洲色飛花峴首春故鄉鴛鴦與燕漸欲識歸人

哀延知

白日赴西溟萬化各有盡恒幹終焉凋哀子獨先霞昔我適
金方執手淚如縷子言驅車勞往路一何永闕山有還轅電

火無畱影向笛悲徒深嵇琴寂已泯俛仰天地間百年等松
菌亮無三秀芝誰與駐光景

四圖詩爲李海帆方伯作

海上釣鼉

海日三山來照見金銀臺臺高不可卽長波何崔嵬連鼉自
此渡蹴踏滄溟開吾將嬉十洲又欲超九垓俛仰小宙合方
蓬何有哉

凌雲載酒

凌雲望不極萬疊峙嘉州下照平羌水長懸明月秋昔人懷
獨往高詠薄封侯不有重來客誰誇載酒遊

萬年寺峨嵋積雪

三峨奇秀九州少雪色浮空割昏曉蓬蓬白雲如海來飛入
天門不能埽拄笏未得騎玉龍凝望已覺超鴻濛至人天遊
馭六氣區區豈在凌高峰

峨邊擒蠻

國家威德綏遐荒西南屬夷歸職方邊吏維婁偶不謹或有
豕突恣披猖使君投袂奮且怒繩橋突入據其阻師行枕席
人不驚一戰遂沛洗兵雨古來邊策皆羈縻時亦不廢鞭與
笞容頭過身但異懦毋乃養癰患自貽男兒立節在報國投
筆豈但口擊賊蠻酋震懼如雷風使我邊氓復作息公以儒

者稱知兵澹無勇功與智名願持上策告來者永令妖氣銷
櫓槍武不可耀備勿弛胸中甲兵此老子

觴洲阻風

急雨挾驚雷風鳴亦壯哉白波吞地盡紫電劃天開倚伏占
消息津塗倦往來紛紛矜利涉誰是濟川才

晚泊嘉魚

夕照全收雨平蕪欲入城鳩唳貪蔭茂燕浴喜沙晴山翠望
中合渚霞天外明漸看鄉路近亭堠亦多情

送姚春木丈之長沙

片帆空際懸青草望縣縣地勢臨湖盡天形入浪圓軒皇留

廣樂帝子送靈絃不有騷人作誰將大雅傳

託興成孤往何心厯九州醉歌朱鳳曲豪駕百龍遊三秀還
堪采重華未可求從來卑濕地慎莫久淹留

偕諸公遊武當宮遂登黃鶴山仍下置酒

纖埃淨四表白日懸清秋招攜踐琳宇矯若凌十洲曲曲履
幽磴稍稍升高邱原野不可辨洪濤縱橫流耕氓百無一蛟
龍放遠遊曜靈下濛汜明霞空中浮真仙若恂怳出入金銀
樓此曹誦中舉不關人世憂虛名濫瑤笈忝竊吾所羞去去
就故道命酌交相酬眾賓旣盡醉獨客感未休稷契去已遠
駕車安所求

平遠樓和壽泉參軍

共有樓居好先爲步履過簾光動江漢杯影瀉星河暮笛龍吟起巖更鶴警多看子騎赤鯉來往躍風波

舟過九真山

峰雲吹不去吹作九蓮花蘿磴懸秋澗林鐘散曉霞耕農高石戶宿鳥戀汀沙物役何爲者浮生未有涯

訪孝長竟陵偕遊胡氏園林

君尙林泉臥余行安所之風塵仍短褐日月自清時材美桐

先幾變來笛更悲

悼季舉延知孝旃

相逢須痛飲更過百年期

客履此經過林亭足笑歌寒聲紛雨葉秋色澹煙蘿寂寞才

名滅飄搖浪跡多蕭蕭看短髮回首避青娥

熊葵園太守舉過倚園

盡納澄鮮妙秋光復在茲地兼林壑勝天與水雲宜飛閣凌
虛山危峰逐望移坐來幽興愜或有野鷗知

美政彤幘遠閒身綠野畱招攜多逸客俛仰卽滄洲海運鵬
方息天空鵠自遊東山仍望起莫便擬巢由

酬陳巽之

滄浪諸子並才雄老去尤憐陳孟公覆瓿元經長自惜登臺
白雪許誰同時名偃蹇均巖穴澤氣蒼茫雜雨風感子申章
情不淺非無長劒倚秋空

竟陵遇徐仲章

飛蓬相遇古滄浪
短髮驚看漸欲蒼
千里行吟雙涕淚
十年知舊半存亡
天垂廣澤星辰大
秋盡平原草木霜
地下龔生嗟竟天
如聞楚老泣蘭芳

兼悼孝旃

赴江陵別孝長瑋公

自我來漢濱
秋風未云厲
徘徊玩綠榮
霜條倏以墜
嗒焉悲徂年
日與百川逝
孤懷殷百憂
微力負眾勤
稍濯滄浪纓
仍鼓江陵柂
故人嗟解攜
傾醪起相慰
慶雲耀太清
高衢日月麗
藹藹羣龍遊
愚者獨傾頓
生逢休明時
耕釣送年歲
本自江海人
無爲落吾事
閭闔期未來
九萬詎可試
去去勿重陳

飄飄從所寄

雙流

浩浩雙流溢磬磬四郡悲可能脩萬績頗見軫堯咨溝洫非
難復芟薪未易支中宵起三嘆不爲一家飢

江湖眞滿地生計只漁竿飢溺當平世金錢仰縣官已占營
室見莫待雪霜寒何日金隄就長令百堵安

郡城悟琴希子常春林

落日下章臺寒風萬里來乾坤何莽蒼歌嘯此裴裒鬢髮嗟
難變滄江逝不回眾芳久蕪沒詞賦莫言才

嗚昔飛黃步爭言蹠蹠超相看尙泥滓各欲老漁樵風泊雲

唐本堂全集 卷六 十
聞迴鴻飢夢澤遙濁醪堪共醉何事解金貂

寄九香大梁

遊梁自惜馬卿才日日夷門醉不回望遠獨憐江上客題詩
遙發禹王臺天低鄢郢千山合雲繞嵩河一雁來爲報楚狂
情盡滅蕭條歌鳳自裴裒

寄子方大守蘭州

虎軾高懸析羽旌風流坐嘯古金城千年白月臨邊影萬里
黃河入塞聲夾鹿車前春早徧離鴻江上雪初晴關山此際
問羌管應有梅花寄遠情

江上見梅花憶子喬

綻玉一枝新無由寄遠人
冰霜逢晚歲畱滯尙三秦
榆谷關山月梅州嶺海春
遙知羌笛奏鄉夢故頻頻

寄東愚都中

聞道丹山羽翮豐趨庭遙在鳳城中
一經堪繼韋長孺三賦應傳左太冲
矯矯臺前燕市駿寥寥天末楚江鴻
可知抱玉荆山客短褐悲吟嚮朔風

寄唐生汝立

關山秦地月車馬洛陽城送子一爲別
茫然空我情堊金徒自躍郢璞向誰明
側想風雲會何由共振纓

聞汝耽奇服曾爲汗漫遊
禦風乘廣莫海望小神州
鵬運幾

時息鴻書何處求三年盼瑤草芳訊太淹留

寄春木丈鄂州

七澤栖栖歲已闌鄂王城下盛風湍遊談不夢燕鳥集姓字
將成楚鶚冠永夜羈懷天地迴高歌江國雪霜寒羅含庾信
猶堪訪塞佩期君擷芷蘭

司馬行贈周宜亭司馬

司馬磊落人中豪才如浩浩長江濤東之七十止佐郡嗟乎
梁公安可遭幾年舉莢塞瓠子美政中州更無比豫人愛之
如春陽耕鑿熙熙樂田里中山謗書不見剖柳下三黜吾何
有拂衣大笑來楚中且復栖栖隨墨綬九疑山邊烽火紅盤

瓠奔突如狂風聞之投袂請自効躍馬仗劍軍門中自募壯
士得三百獨以奇兵佐游奕單騎詣峒降其曹一戰兇渠掃
無迹口陳善後二十事帳前侃侃手畫地營平老謀懷姑羌
諸葛長算制蠻裔上公節帥降階迎遂議屯田置官吏一軍
聞者皆大驚自云叩囊持餘智生平識略自侔儻于將鎮鄒
唯所向卽如頻歲籌宣防網絡羣流指諸掌惜哉位卑無旌
旄坐令蒼生懷悵快朔風相遇章華臺貧賤唯惜王生才王
生貧賤未足惜才如司馬尙伏櫪滔滔南紀縱橫流赤子不
免困沮澤何當致之要路津使我編戶足衣食王生貧賤計
亦得

十二月四日大雪

飛雪滿江城宵來直到明于林寒自照萬戶寂無聲未放疏梅綻惟欣宿麥榮大裘吾有願安得覆蒼生

次韻答東愚見寄

苦憶淮南樹遙傳薊北書懷人有高唱念子獨華予江海嗟身賤冰霜逼歲除凌雲猶可賦萬一薦相如

得彭稚宣明府襄陽書卻寄

暫得郎官宿曾紬太史書麻衣變萊綵花縣渺潘輿八口無黔突三邊少敝廬傳聞近畱滯卻效鹿門居

君到隆中宅登臨正落暉雲山龍自臥日月鳥同飛羊杜名

俱寂蕭梁跡已非蒼茫何限意望古一沾衣